

- 44 Gjaldskrá þessi staðfestist hér með samkvæmt vatnalögum, nr. 15 20. júní 1923,
21. marz og raforkulögum, nr. 12 2. apríl 1946, til þess að öðlast gildi þegar í stað og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá Rafveitu Njarðvíkur, nr. 168 28. ágúst 1947.

Atvinnumálaráðuneytið, 21. marz 1949.

Bjarni Ásgeirsson.

Þorv. K. Þorsteinsson.

- 45
21. marz

G J A L D S K R Á

fyrir vatnsveitu Stykkishólms.

1. gr.

Af öllum húsum í lögsagnarumdæmi kaupþúnsins, sem standa við vegi eða opin svæði, þar sem vatnsæðar liggja, skal greiða árlegan vatnsskatt 3% af fasteignamatsverði hússins, þó þannig, að lægsta gjald á einbýlishúsi sé kr. 300.00 og á íbúðarhúsi með 2 íbúðum eða fleiri skal lægsta gjald vera kr. 240.00 á íbúð.

Sama er og um önnur hús, er fá vatn veitt úr vatnsveitu bæjarins.

Nú er hús, er greiða ber af vatnsskatt, ekki virt fasteignamatsvirðingu, og ákveður þá vatnsveitunefnd skattinn.

2. gr.

Auk vatnsskatts samkv. 1. gr., skal greiða vatnsskatt fyrir hreyfivélar, gosbrunna, verksmiðjur, baðhús, hvers konar þvottastöðvar, efnalaugar, veitingastaði, sláturhús, iðnaðarfyrirtæki, og fyrir vatn til hvers konar slíkrar notkunar umfram venjulega heimilisnotkun.

Aukavatnsskatt samkv. 1. málsg. skal innheimta eftir mati hreppsnefndar og vatnsveitunefndar.

Nú sættir húseigandi eða vatnsnotandi sig ekki við ákvörðun hreppsnefndar og vatnsveitunefndar, um aukavatnsskatt, og getur hann þá krafizt þess, að gerðardómur úrskurði ágreiningsatriðin, og skal gerðardómurinn þannig skipaður, að húseigandi eða vatnsnotandi tilnefnir einn mann, vatnsveitunefnd annan, en sýslumaður Snæfellsness- og Hnappadalssýslu skipar oddamaninn.

3. gr.

Hafnarnefnd ákveður verð á vatni, sem selt er til skipa á höfninni.

Hreppsnefnd og vatnsveitunefnd ákveða endurgjald fyrir vatn, sem hafnar-sjóður fær frá vatnsveitunni, þó ekki undir kr. 1.50 fyrir hvern teningsmetra.

4. gr.

Nú er vatni úr vatnsveitunni veitt í hús, eða til einhverrar starfsemi, utan lögsagnarumdæmisins, og skal þá ákveða vatnsskattinn samkvæmt því, er í reglugerð þessari segir.

5. gr.

Engum er heimilt að taka vatn úr brunahönum vatnsveitunnar án leyfis slökkviliðsstjóra. Sérstakt leyfi hreppsnefndar og vatnsveitunefndar þarf til að setja vatns-hreyfivélar í samband við vatnsæðarnar.

6. gr.

Vatnsskatt samkvæmt reglugerð þessari ber að greiða mánaðarlega eða 12 sinnum á ári, í lok hvers mánaðar, fyrir liðinn mánuð, og ber að greiða skattinn til innheimtumanns vatnsveitunnar.

Vatnsskatt má taka lögtaki, og er hann tryggður með lögveðrétti í eigninni næstu 2 ár eftir gjalddaga, með forgangsrétti fyrir hvers konar samningsveði og aðfararveði. 45 21. marz

Gjaldskrá þessi, sem samin er og samþykkt af hreppsnefnd Stykkishólms, staðfestist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað og birtist hér með til eftirbreytni öllum þeim, sem hlut eiga að máli.

Félagsmálaráðuneytið, 21. marz 1949.

Stefán Jóh. Stefánsson.

Jónas Guðmundsson.

S A M Þ Y K K T

46

um breytingu á samþykkt fyrir sýsluvegasjóð Borgarfjarðarsýslu,
nr. 80 1. júní 1942.

25. marz

1. gr.

2. gr. sýsluvegasjóðssamþykktarinnar orðist svo:

1. Stóra-Ásvegur: Frá þjóðveginum hjá Úlfstöðum að Stóra-Ási.
2. Barnafosbrúarvegur: Frá þjóðveginum að Barnafossi.
3. Reykjadalársvegur: Frá þjóðveginum utanvert við Hamra að þjóðveginum hjá Deildartungu.
4. Syðri-Reykðælavegur: Frá þjóðveginum í Snældubeinsstaðanesi austur Reykholtssdal að Steindórsstöðum.
5. Flókadalssvegur: Frá þjóðveginum hjá Steðja um Skóga og Hæl yfir Geirsá.
6. Klettsvegur: Frá Reykjadalársvegi um Deildartungu að Kletti.
7. Þingnesvegur: Frá þjóðveginum við Þórdísarholt að Árbakka.
8. Bæjarvegur: Frá þjóðveginum við Þórdísarholt norður fyrir Laugarholt.
9. Kvígsstaðavegur: Frá þjóðveginum við Skjólhól um Heggstaði og Vatnshamra á þjóðveginn hjá Ausu.
10. Skálpastaðavegur: Frá þjóðveginum hjá Fosstúni að Arnþórsholti.
11. Oddsstaðavegur: Frá þjóðveginum hjá Brautartungu um Oddstaði og Gullberastaði að Lundi.
12. Skorradalsvegur: Frá Háafelli um brú á Fitjaá um Bakkakot að Vatnshorni.
13. Mófellsstaðavegur: Frá þjóðveginum vestan Neðri-Hrepps á þjóðveginn við Skorradalsvatnsós.
14. Svinadalsvegur: Frá þjóðveginum við Hól á þjóðveginn hjá Geitbergi.
15. Reynisvegur: Frá þjóðveginum hjá Heynesi að Reyni.

2. gr.

Samþykkt þessi öðlast þegar gildi.

Samþykkt þessi, sem sýslunefnd Borgarfjarðarsýslu hefur samið og samþykkt, samkvæmt lögum nr. 102 19. júní 1933, staðfestist hér með og birtist til eftirbreytni öllum þeim, sem hlut eiga að máli.

Samgöngumálaráðuneytið, 25. marz 1949.

Emil Jónsson.

Páll Pálmason.